



Publicaziuns dalla vischnaunca, jamna 02

Damonda da baghegiar

2021-1000.000

Datum dalla publicaziun: 15 da schaner

Ils patruns: Remo e Sarah Huonder,

Via Clavaniev 1, 7180 Disentis/Mustér

Il representant: Studio UH, Architect MSC STH SIA, Ursin Huonder, Via Sursilvana 18, 7180 Disentis/Mustér

Object: Construcziun dad ina casa d'ina famiglia ed ina garascha, parcella 3976,

Via Clavaniev 1a, 7180 Disentis/Mustér

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damonda da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 15 da schaner 2021

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2020-1033.000

Sigisberta Lucia Schmed, Denter Uauls 270C, 7144 Vella; nova tualetta en clavau ed in niev tanc d'auas piarsas, parcella 3568, Caischavedra/Cavardiras, 7180 Disentis/Mustér.

Nr. 2020-1068.000

Anita Schmidt-Huonder, Via Sut Vitg 14, 7186 Segnas; renovaziun ed engrondaziun dalla habitaziun existenta e niev carport, parcella 52, Via Sut Vitg 1, 7186 Segnas.

Nr. 2020-1070.000

Miriam e Markus Rigoletth-Donau, Gassa da Cuoz 31, 7186 Segnas; tetg annex per la terrassa existenta, nova formaziun dil curtin e colurar fatschadas dil baghetg annex, parcella 1213, Gassa da Cuoz 31, 7186 Segnas.

Disentis/Mustér, ils 15 da schaner 2021

Uffeci da baghegiar Disentis/Mustér

Cussegl da vischnaunca

Rapport dalla seduta constitutiva dils 8-1-2021

Venderdis, ils 8 da schaner 2021 ha giu liug la seduta constitutiva dil cussegl da vischnaunca per la perioda d'uffeci 2021/2024. Per setener vid las prescripziuns da Covid-19 ha la seduta giu liug ella halla polivalenta el Center Fontauna. El center dalla seduta ein l'elecziun dil niev president dil cussegl da vischnaunca pigl onn 2021 e la saramentaziun dallas autoritads communalas stadas.

Il niveligiu president communal **René Epp** ha aviert la seduta constitutiva dil cussegl da vischnaunca cun in vast plaid davart il svilup dalla vischnaunca da Mustér e sia strategia pils proxims onns. Plinavon ha el undrau las personas che han demissionau suenter la davosa perioda da legislatura cun surdar sco engraziament in bi stilograf ed in rispli cun engravau il num. Enramau las undraziuns cun differentas bialas produenziuns musicalas han Oana Camartin (violina), Mateusz Niedzwiedzki (clavazin), Lilian Probst (violina) e Valeria Hendry (violina). Sco senior dil cussegl (pli liung temps d'uffeci e l'aulta vegliadetgna) ha **Edgar Durschei** menau atras las elecziuns dils dus dumbravuschs e dils suppleants entochen e cun l'elecziun e la saramentaziun dil niev president dil cussegl da vischnaunca.



Sco niev president dil cussegl da vischnaunca pigl onn 2021 ei Giusep Lozza vegnius eligius. **Giusep Lozza** appartegn gia dapi igl onn 2017 al cussegl da vischnaunca da Mustér. El ha continuau cun la gliesta da tractandas ed ha aschia saramentau il president communal René Epp ed ils ulteriurs commembers dil cussegl da vischnaunca, dalla suprastanza communal sco era ils commembers dil cussegl da scola e dalla cumissiun da gestiun. Sco vicepresidente dil cussegl da vischnaunca da Mustér pigl onn 2021 ei **Adrian Deflorin** vegnius eligius.

Ulteriuras **elecziuns** per la perioda d'uffeci 2021/2024:

– **Dumbravuschs:**

Theres Burri Gadola, Adrian Flepp

– **Suppleants da dumbravuschs:**

Armin Berther, Larissa Fry Schuster

– **Actuara:** Ursina Murer-Fatzer

– **Vicepresident communal:** Clemens Berther

– **Cumissiun da baghegiar:**

Pascal Beer, Simon Bisquolm, Ursin Huonder e Ronny Zanin

– **Cumissiun menaschi Center Fontauna:**

Clemens Berther (gerau), Roland Cajacob, Anja Klittich Berther, Giusep Lozza, Alfons Quinter

– **Niev commember ella cumissiun da planisaziun:**

Roland Cajacob

Suandonta **agenda** per las sedutas dil cussegl da vischnaunca per 2021 ei vegnida approbada:

– Venderdis, ils 26 da fevrer 2021

– Venderdis, ils 30 d'avrel 2021

– Venderdis, ils 25 da zercladur 2021

– Venderdis, ils 17 da settember 2021

– Venderdis, ils 12 da november 2021

– Venderdis, ils 10 da december 2021

Il **plaid d'avertura** dil president communal René Epp ei publicaus sin la pagina d'internet www.disentis.ch/Actualitads. El plaid ein cuntenidas las **undraziuns** sco era las elecziuns dallas persunas ellas differentas cumissiuns e delegaziuns entras la suprastanza communal per la perioda d'uffeci 2021/2024.
Suprastanza communal

Referendum facultativ spirau

Ils 11 da december 2020 ha il cussegl da vischnaunca decidiu cun 12 encunter 0 vuschs (duas abstenziuns) da vender ils 13 parcadis el parcadi sutterran a Sogn Gions alla Fundaziun Puntreis pil prezi da frs. 435 000.–. Encunter quella decisiun ei enteifer il termin fixau buca vegniu fatg diever dil referendum, aschia ch'ella ha contonschiu vigur legala. *Suprastanza communal*

Revisiun parziala dalla lescha d'energia dil cantun Grischun

Il cantun Grischun ha liquidau sias incumbensas el sector dall'effizienz energetica dils edificis. Principalmein vegnan las pretensiuns legalas adattadas enviers il stan dalla tecnica.

Cun la revisiun parziala dalla lescha d'energia dil cantun Grischun suondan las basas legalas el sector dils edificis il model da prescripziuns energeticas dils cantuns digl onn 2014 (MoPEC 2014). La revisiun parziala dalla lescha cantunala d'energia (LEG) sco era l'ordinaziun d'energia respectiva (OEG) ein entradas cugl 1. da schaner 2021 en vigur – senza fasa transitoria. Las vischnauncas ein cumpetentas per exequir las prescripziuns da construcziun.

Midadas impurtontas

Edificis novs:

- Las pretensiuns enviers **l'isolaziun termica** sco era enviers la **producziun da calira** vegnan augmentadas.
- Edificis novs ein suttamess **all'obligaziun da producir atgna electricitad**.



Sanaziuns:

– Tier in remplazzament dil **producider da calira** vegn pretendiu 10% energia regenerabla ni in consum pli bass en la medema dimensiun. Per quei intent vegn introduciu **in'obligaziun d'annunzia**.

Execuziun:

– L'introducziun d'ina **controlla privata** completescha e simplifichescha l'execuziun.

Promoziun:

– Niev vegn promoviu **implonts fotovoltaics ch'ei optimai per producir electricitad durant igl unviern**.

Ina survesta detagliada anfleis Vus sut: www.energienachweis.gr.ch. Leu anfleis Vus era ils formulars da cumprova, ils agids d'execuziun detagliai e las informaziuns las pli impurtontas per mintga sector.
Disentis/Mustér *Uffeci da baghegiar ed infrastruttura*

Scola da musica Surselva

La Scola da musica Surselva porscha il suandont cuors:

2. semester 2020/21

Ritmica per affons pigns (annadas 2015 + 2016)

Disentis/Mustér

adina mardis dallas 14.30–15.20

ell'aula dalla casa da scola a Disentis/Mustér

23.3. / 30.3. / 6.4. / 13.4. / vacanzas da primavera / 4.5. / 11.5. / 18.5. / 25.5.2021

Bugen spitgein l'annunzia tochen ils 26-1-2021.

Formulars ed ulteriuras informaziuns: (era pusseivel online)

www.bzs-surselva.ch

081 926 25 10 / admin@bzs-surselva.ch

Center da formaziun Surselva CFS

Nordic Segnas

Ina visiun ei daventada realitad! Suentar varga 20 onns eis ei puspei reussiu da realisar ina loipa sulegliva che meina sur 5 km tras ils vasts plauns da Segnas. La loipa vegn finanziada cumpleinamein sin basa privata. Per saver mantener la loipa per quest unviern e porscher ina biala e sperta spura classica e da patinar duvrein nus **vies agid!**

Mintga sustegn finanziel gida nus vinavon! Engraziel fetg e sin seveser sin loipa a Segnas!

Aus einer Vision wurde Wirklichkeit! Nach über 20 Jahren ist es uns gelungen, eine 5 km lange Loipe an sonniger Lage am Rande des Dorfes Segnas zu realisieren. Die Loipe wird komplett privat betrieben. Um die Loipe in diesem Winter unterhalten zu können und eine schöne und schnelle Klassik- und Skatingspur bieten zu können, benötigen wir **eure Hilfe!**

Jegliche finanzielle Unterstützung hilft uns weiter! Wir freuen uns auf euren Besuch!

IG Nordic Segnas

IBAN: CH84 8080 8005 8195 0942 1

Kontakt: mail@segnas.ski / www.segnas.ski
